

SLU@BENI GLASNIK

BR^KO DISTRIKTA

B O S N E I H E R C E G O V I N E

Godina VIII – Broj 1

Ponedjeljak, 15. januar 2007. godine
B R ^ K O

Bosanski jezik

1

Na osnovu člana 23 Statuta Brčko distrikta BiH – prečišćen tekst („Službeni glasnik Brčko distrikta BiH“ broj 19/06), članom 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03), člana 5 Zakona o zdravstvenom osiguranju Brčko distrikta BiH («Službeni glasnik Brčko distrikta BiH» brojevi: 1/02 i 7/02), i Prijedloga odluke gradonačelnika broj: 01-014-015578/06 od 9. 11. 2006. godine, Skupština Brčko distrikta BiH na 39. sjednici održanoj 14. decembra 2006. godine, donijela je

O D L U K U

O OSNIVANJU FONDA ZDRAVSTVENOG OSIGURANJA BRČKO DISTRIKTA BOSNE I HERCEGOVINE

PRVI DIO

Član 1

(Predmet Odluke)

(1) Osniva se Fond zdravstvenog osiguranja Brčko distrikta Bosne i Hercegovine (u daljnjem tekstu: Fond zdravstvenog osiguranja).

(2) Realizacija prava i obaveza iz zdravstvenog osiguranja obezbjeđuje se putem Fonda zdravstvenog osiguranja.

Član 2

(Osnivač)

Osnivač Fonda zdravstvenog osiguranja je Brčko distrikt Bosne i Hercegovine.

DRUGI DIO

GLAVA I

Član 3

(Naziv i sjedište)

(1) Fond zdravstvenog osiguranja posluje pod nazivom "Fond zdravstvenog osiguranja Brčko distrikta Bosne i Hercegovine".

(2) Skraćeni naziv je "FZO Brčko distrikta BiH".

(3) Sjedište Fonda zdravstvenog osiguranja je u ulici Vuka S. Karadžića br. 4, Brčko distrikt Bosne i Hercegovine.

Član 4

(Pravni status)

(1) Fond zdravstvenog osiguranja ima svojstvo pravnog lica.

(2) Fond zdravstvenog osiguranja ima prava, obaveze i odgovornosti utvrđene Zakonom o zdravstvenom osiguranju Brčko distrikta BiH (u daljnjem tekstu: Zakon o zdravstvenom osiguranju), ovom odlukom i Statutom Fonda zdravstvenog osiguranja.

(3) Fond zdravstvenog osiguranja ima svoj račun.

Član 5

(Pečat)

(1) Fond zdravstvenog osiguranja ima pečat sa sljedećim tekstom: "Bosna i Hercegovina Brčko distrikt Bosne i Hercegovine Fond zdravstvenog osiguranja Brčko distrikta BiH".

(2) Bliže odredbe o broju, veličini, obliku, sadržaju i upotrebi pečata i štambilja utvrđuje općim aktom direktor Fonda zdravstvenog osiguranja.

GLAVA II

Član 6

(Djelokrug rada Fonda zdravstvenog osiguranja)

Djelokrug rada Fonda zdravstvenog osiguranja je:

a) sprovođenje politike razvoja i unapređivanja zdravstvene zaštite koja se obezbjeđuje zdravstvenim osiguranjem;

b) planiranje i prikupljanje novčanih sredstava svih oblika zdravstvenog osiguranja kojima se finansiraju zdravstvene usluge i administrativni troškovi Fonda zdravstvenog osiguranja;

c) obavljanje poslova u vezi s ostvarivanjem prava osiguranika i osiguranih lica Fonda zdravstvenog osiguranja, briga o zakonitom i blagovremenom ostvarivanju tih prava, te obezbjeđivanje stručne pomoći osiguranicima u ostvarivanju prava i zaštiti njihovih interesa;

d) obavljanje poslova ugovaranja sa svim zainteresovanim javnim i privatnim zdravstvenim ustanovama i radnicima o pružanju zdravstvenih usluga uz poštivanje važećih procedura;

e) određivanje kriterija i načina korištenja naknada osiguranicima za nastale troškove koji spadaju u obim prava iz zdravstvene zaštite;

f) određivanje obima i vrste prava iz osiguranja, visine naknada plaće u toku privremene spriječenosti za rad na teret Fonda zdravstvenog osiguranja, kao i način valorizacije osnovice za naknadu plaće u toku privremene spriječenosti za rad;

g) učestvovanje u izradi i sprovođenju međunarodnih ugovora o socijalnom osiguranju u dijelu koji se odnosi na obavezno zdravstveno osiguranje;

h) praćenje obračuna dugovanja i potraživanja troškova zdravstvenog osiguranja;

i) obavljanje poslova u vezi s korištenjem zdravstvene zaštite u inostranstvu;

j) u saradnji s Odjeljenjem za zdravstvo i ostale usluge Vlade Brčko distrikta BiH (u daljnjem tekstu: Odjeljenje za zdravstvo) obavljanje nadzora kontrole poslovanja zdravstvenih ustanova i zdravstvenih radnika u vezi sa zaključenim ugovorima za tekuću godinu;

k) obavljanje poslova izrade podzakonskih i drugih akata u vezi s ostvarivanjem prava iz obaveznog zdravstvenog osiguranja za čije donošenje su nadležni gradonačelnik i Skupština Brčko distrikta BiH;

l) uređivanje ostalih pitanja u vezi s ostvarivanjem prava iz obaveznog zdravstvenog osiguranja;

m) saradnja s ostalim institucijama u Bosni i Hercegovini i Brčko distriktu BiH;

n) drugi poslovi utvrđeni Zakonom o zdravstvenom osiguranju, ovom odlukom i drugim propisima.

Član 7

(Javnost rada Fonda zdravstvenog osiguranja)

Rad Fonda zdravstvenog osiguranja je javan.

GLAVA III

Član 8

(Sredstva)

(1) Sredstva za osnivanje i rad Fonda zdravstvenog osiguranja obezbjeđuju se iz doprinosa za zdravstveno osiguranje, budžeta Brčko distrikta BiH i drugih izvora finansiranja, u skladu sa Zakonom o zdravstvenom osiguranju i drugim propisima Brčko distrikta BiH.

(2) Sredstvima koja se obezbjeđuju iz budžeta Brčko distrikta BiH finansiraju se:

a) povećani troškovi zdravstvene zaštite izazvani većim odstupanjima u odnosu na planirana sredstva zdravstvenog osiguranja zbog određenih vanrednih ili drugih otežanih uslova sprovođenja zdravstvene zaštite;

b) troškovi dijalize, suzbijanje epidemija i sl.;

c) troškovi transplantacije organa osiguranika Brčko distrikta BiH;

- d) troškovi zdravstvene zaštite lica starijih od 65 godina iznad nivoa obaveznog zdravstvenog osiguranja;
- e) troškovi zdravstvene zaštite lica s nepoznatim prebivalištem;
- f) troškovi razvoja naučnoistraživačke djelatnosti, statističkih istraživanja u oblasti zdravstva koji su od interesa za Brčko distrikt BiH;
- g) razvoj zdravstveno-informacionih sistema u Brčko distriktu BiH i povezivanje s drugim informacionim sistemima u BiH;
- h) doprinosi za zdravstveno osiguranje lica iz tačke 4 Sporazuma o implementaciji entitetskih obaveza iz Konačne arbitražne odluke za Brčko koje se odnose na zdravstvenu zaštitu i zdravstveno osiguranje od 24. 10. 2000. godine;
- i) doprinosi za zdravstveno osiguranje ili troškovi zdravstvene zaštite stanovnika Brčko distrikta BiH koji su obuhvaćeni socijalnim programima i mjerama socijalne politike Vlade Brčko distrikta BiH.

Član 9 (Imovina)

Imovinu Fonda zdravstvenog osiguranja čine novčana sredstva koja u skladu s budžetom koristi Fond zdravstvenog osiguranja, te nepokretne i pokretne stvari u vlasništvu Brčko distrikta BiH koje je do osnivanja Fonda zdravstvenog osiguranja, kopirio Fond zdravstvenog osiguranja i stvari koje se nalaze na popisu stvari Fonda zdravstvenog osiguranja.

Član 10 (Odgovornosti)

(1) Fond zdravstvenog osiguranja, kao pravno lice, istupa samostalno u okviru svojih ovlaštenja, utvrđenih Zakonom o zdravstvenom osiguranju, ovom odlukom i Statutom Fonda zdravstvenog osiguranja.

(2) Za svoje obaveze Fond zdravstvenog osiguranja odgovara sredstvima kojima raspolaže u skladu s članom 12 ove odluke.

(3) Osnivač supsidijarno odgovara za obaveze Fonda zdravstvenog osiguranja.

Član 11 (Raspored finansijskog rezultata)

(1) Višak prihoda nad rashodima Fond zdravstvenog osiguranja, uz saglasnost Skupštine Brčko distrikta BiH, koristi za razvoj zdravstva Brčko distrikta BiH, a na osnovu utvrđenih prioriteta u zdravstvu Brčko distrikta BiH.

(2) Višak rashoda nad приходima Fond zdravstvenog osiguranja pokriva do visine sredstava kojima raspolaže, u skladu s članom 12 ove odluke.

(3) Ukoliko Vlada Brčko distrikta BiH utvrdi da su gubici Fonda zdravstvenog osiguranja nastali zbog povećanih troškova koji se nisu mogli predvidjeti ili spriječiti, gubici se pokrivaju iz budžeta Brčko distrikta BiH, kao pomoć za likvidnost u iznosu koji nedostaje za nivo zdravstvene zaštite zagarantovane zakonima.

Član 12 (Sredstva rezervi)

(1) Fond zdravstvenog osiguranja ima rezervu koja se ostvaruje izdvajanjem sredstava u iznosu od najmanje 5% ukupnih rashoda ostvarenih u prethodnoj godini, a koju utvrđuje upravni odbor.

(2) Sredstva rezerve služe za pokrivanje tekuće likvidnosti, za pokriće gubitaka i ne mogu biti korištena u druge svrhe.

Član 13 (Ugovori i nabavke)

(1) Fond zdravstvenog osiguranja zaključuje ugovore sa zdravstvenim ustanovama i zdravstvenim radnicima u skladu sa Zakonom o zdravstvenoj zaštiti Brčko distrikta BiH, Zakonom o zdravstvenom osiguranju, drugim propisima i Statutom Fonda zdravstvenog osiguranja.

(2) Druge poslove koji se odnose na nabavku roba, obavljanje drugih usluga i radova Fond zdravstvenog osiguranja vrši u skladu s odredbama Zakona o javnim nabavkama BiH.

Član 14 (Kontrola poslovnih knjiga i evidencija)

Način kontrole poslovnih knjiga i evidencija pravnih i fizičkih lica radi pravilnosti obračuna i uplate doprinosa za obavezno zdravstveno osiguranje, reguliše se instrukcijom upravnog odbora Fonda zdravstvenog osiguranja.

GLAVA IV

Član 15 (Upravni odbor)

- (1) Fondom zdravstvenog osiguranja upravlja upravni odbor.
- (2) Upravni odbor se sastoji od 7 članova vodeći računa o odredbama člana 21 Statuta Brčko distrikta BiH:

a) 1 član, državni ili javni službenik zaposlen u Vladi Brčko distrikta BiH, isključujući rukovodeće državne ili javne službenike, koji posjeduje VSS i iskustvo u oblasti zdravstva i socijalne zaštite;

b) 1 član, državni službenik zaposlen u Vladi Brčko distrikta BiH, uključujući i rukovodeće državne službenike koji posjeduje VSS i iskustvo u oblasti ekonomije i finansija;

c) 2 člana, predstavnika davalaca usluga (po jedan iz javnog i privatnog sektora);

d) 3 člana iz reda predstavnika osiguranika.

(3) Članovi upravnog odbora se biraju javnim pozivom.

(4) Članovi upravnog odbora između sebe biraju predsjednika, većinom glasova.

(5) Članovi upravnog odbora se imenuju na period od četiri godine i po isteku tog perioda mogu biti ponovo imenovani, s tim da ne mogu biti imenovani više od dva puta.

(6) Upravni odbor je za svoj rad odgovoran Skupštini Brčko distrikta BiH. Skupština usvaja godišnje izvještaje Fonda zdravstvenog osiguranja.

(7) Upravni odbor ili pojedine članove upravnog odbora razrješava Skupština Brčko distrikta BiH po sopstvenoj inicijativi, te na prijedlog gradonačelnika ili na prijedlog upravnog odbora.

(8) Skupština Brčko distrikta BiH razrješava upravni odbor ili pojedine članove upravnog odbora, trojetinskom većinom glasova.

(9) Sjednicama upravnog odbora prisustvuju šef Odjeljenja za zdravstvo i direktor, bez prava glasa.

(10) Upravni odbor može da isključi direktora sa sjednica na kojim se ocjenjuje njegov rad.

Član 16

(Djelokrug rada Upravnog odbora)

- (1) Upravni odbor Fonda zdravstvenog osiguranja:
 - a) utvrđuje program djelatnosti obaveznog zdravstvenog osiguranja i mjera za unapređivanje obaveznog zdravstvenog osiguranja;
 - b) utvrđuje politiku korištenja sredstava zdravstvenog osiguranja;
 - c) daje smjernice za funkcionisanje službi Fonda zdravstvenog osiguranja radi pravilnog ostvarivanja prava osiguranih lica i racionalnog poslovanja;
 - d) donosi statut Fonda zdravstvenog osiguranja;
 - e) donosi poslovnik o radu Upravnog odbora;
 - f) predlaže i druge opće akte čije je donošenje predviđeno zakonom;
 - g) predlaže, u skladu sa zakonom, stope i osnovice doprinosa za zdravstveno osiguranje;
 - h) donosi finansijski plan i usvaja godišnji obračun;
 - i) donosi prijedlog osiguravanja dodatnih sredstava i način pokrivanja eventualnih gubitaka nastalih u poslovanju;
 - j) razmatra i predlaže godišnji izvještaj o radu Fonda zdravstvenog osiguranja;
 - k) razmatra izvještaje o kontroli vrste, obima i kvaliteta izvršenih zdravstvenih usluga;
 - l) sprovodi druge oblike osiguranja, ako su predviđeni zakonom i usvojeni odlukom gradonačelnika ili Skupštine Brčko distrikta BiH;
 - m) saraduje s drugim fondovima / zavodima osiguranja / reosiguranja i drugim organizacijama u stvarima od zajedničkog interesa;
 - n) vrši popunu radnih mjesta po usvojenoj sistematizaciji, procedurom konkursa;
 - o) sprovodi disciplinski postupak;
 - p) određuje predstavnike u drugim organizacijama;
 - r) vrši i druge poslove za koje je ovlašten zakonom, podzakonskim, općim ili drugim aktima.

(2) Upravni odbor može formirati komisije ili odbore za izvršavanje određenih zadataka.

Član 17 (Direktor)

- (1) Fondom zdravstvenog osiguranja rukovodi direktor.
- (2) Imenovanje i razrješenje direktora Fonda zdravstvenog osiguranja vrši upravni odbor Fonda zdravstvenog osiguranja, nakon sprovedenog javnog konkursa.

(3) Direktor se imenuje na period od četiri godine i po isteku tog perioda može biti ponovo imenovan.

(4) Za svoj rad direktor je odgovoran upravnom odboru.

(5) Upravni odbor imenuje vršioca dužnosti direktora Fonda zdravstvenog osiguranja za period od dana razrješenja, smrti, otkaza ili isteka perioda na koji je direktor imenovan do momenta imenovanja novog direktora.

(6) Period na koji se imenuje vršilac dužnosti direktora Fonda zdravstvenog osiguranja ne može biti duži od šest mjeseci.

(7) Direktor ne može biti član upravnog odbora.

Član 18

(Ovlaštenja, obaveze i odgovornosti direktora)

Direktor Fonda zdravstvenog osiguranja:

- a) organizuje rad i poslovanje Fonda zdravstvenog osiguranja;
- b) zastupa i predstavlja Fond zdravstvenog osiguranja;
- c) sprovodi ugovore, sporazume i dogovore koje Fond zdravstvenog osiguranja zaključi ili im pristupi;
- d) stara se o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, njihovoj namjenskoj upotrebi i zakonitom, pravilnom i blagovremenom ostvarivanju obima prava osiguranih lica;
- e) daje naloge za izvršenje finansijskog plana i drugih akata koje je donio upravni odbor;
- f) priprema potrebne akte i materijale čija je izrada u djelokrugu rada Fonda zdravstvenog osiguranja, a koje razmatraju i o njima odlučuju organi vlasti, upravni odbor, drugi odbori, komisije upravnog odbora i druga tijela formirana na osnovu zakona, podzakonskih akata, statuta i drugih općih akata Fonda zdravstvenog osiguranja;
- g) rukovodi radom šefova službi i službi Fonda zdravstvenog osiguranja i donosi stručna uputstva s ciljem zakonitog, pravilnog i blagovremenog obavljanja poslova;
- h) formira radne grupe za izradu složenijih materijala;
- i) predlaže članove komisija za postupke nabavke u skladu sa Zakonom o javnim nabavkama BiH;
- j) sprovodi izvršavanje odluka, zaključaka i drugih akata upravnog odbora i njegovih odbora ili komisija;
- k) odobrava nabavke materijala i drugih sredstava neophodnih za rad u skladu s dinamikom trošenja sredstava i finansijskim planom koji je donio upravni odbor;
- l) stara se o ostvarivanju javnosti rada Fonda zdravstvenog osiguranja, njegovih organa i službi;
- m) donosi rješenja o prijemu i raspoređivanju zaposlenika na poslove i zadatke, u skladu s odlukama upravnog odbora, pravilnikom o organizaciji i sistematizaciji, kao i drugim odlukama u skladu sa zakonom i općim aktima Fonda zdravstvenog osiguranja;
- n) vrši i druge poslove koji su mu zakonom, podzakonskim aktima, statutom i drugim općim aktima dati u nadležnost.

Član 19

(Organizacija rada)

Unutrašnja organizacija Fonda zdravstvenog osiguranja, sistematizacija i opisi pozicija regulišu se posebnim aktom koji donosi upravni odbor na prijedlog direktora Fonda zdravstvenog osiguranja.

Član 20

(Nadzor)

Nadzor nad zakonitošću rada Fonda zdravstvenog osiguranja obavlja Odjeljenje za zdravstvo u skladu sa Zakonom o zdravstvenom osiguranju.

TREĆI DIO

Član 21

(Raspoređivanje zaposlenika)

(1) Fond zdravstvenog osiguranja preuzima zaposlenike koji se preraspoređuju Odlukom o preraspodjeli zaposlenika iz Odjeljenja za zdravstvo, u skladu s članom 17 ove odluke.

(2) Odlukom iz stava 1 ovog člana utvrđuju se ona radna mjesta koja su po novoj sistematizaciji radnih mjesta iz člana 19 ove odluke istovjetna s postojećim pozicijama u Fondu zdravstvenog osiguranja, te se u svim tim slučajevima zaposleni preuzimaju Odlukom, dok se za radna mjesta koja su nova ili izmijenjena u odnosu na postojeću strukturu radnih mjesta i za koje nije moguće preuzeti zaposlene, raspisuje javni konkurs.

Član 22

(Preuzimanje prava i obaveza)

(1) U roku od 60 dana od dana stupanja na snagu ove odluke, gradonačelnik, na prijedlog Odjeljenja za zdravstvo, donosi Odluku o preuzimanju prava i obaveza, sredstava, poslovnog prostora, inventara, opreme, arhive, akata, predmeta i druge dokumentacije neophodne za rad u Fondu zdravstvenog osiguranja.

(2) Fond zdravstvenog osiguranja ne preuzima obaveze koje su nastale prije početka funkcionisanja Fonda zdravstvenog osiguranja kao samostalnog pravnog lica.

(3) Obaveze iz stava 2 ovog člana, nastale u navedenom periodu padaju na teret budžeta Odjeljenja za zdravstvo, odnosno Brčko distrikta BiH.

(4) Način izvršenja navedenih obaveza, kao i način privremenog finansiranja zdravstvenog sistema Brčko distrikta BiH reguliše se posebnom odlukom gradonačelnika.

Član 23

(Obaveze entiteta RS i FBiH)

(1) Osnivač je odgovoran za prikupljanje novčanih sredstava koje entiteti Republika Srpska i Federacija BiH duguju Brčko distriktu BiH prema tački 4 Sporazuma o implementaciji entitetskih obaveza iz Konačne arbitražne odluke za Brčko koje se odnose na zdravstvenu zaštitu i zdravstveno osiguranje od 24. 10. 2000. godine.

(2) Počev od 1. 1. 2007. godine osnivač je dužan da, ukoliko entiteti ne budu izvršavali svoje obaveze iz tačke 4 Sporazuma o implementaciji entitetskih obaveza iz Konačne arbitražne odluke za Brčko koje se odnose na zdravstvenu zaštitu i zdravstveno osiguranje od 24. 10. 2000. godine, uplaćuje doprinose za zdravstveno osiguranje lica iz tačke 4 tog sporazuma, u skladu s članom 8, stavom 2 tačkom h ove odluke.

Član 24

(Imenovanja upravnog odbora i direktora)

(1) U roku od 30 dana od dana stupanja na snagu ove odluke, imenuje se upravni odbor.

(2) Upravni odbor je dužan da u roku od 30 dana od imenovanja, imenuje direktora Fonda zdravstvenog osiguranja.

(3) Šef Pododjeljenja Fonda zdravstvenog osiguranja zastupa Fond zdravstvenog osiguranja u postupku upisa u sudski registar i obavlja funkciju vršioca dužnosti direktora Fonda zdravstvenog osiguranja do momenta kada ga upravni odbor imenuje.

Član 25

(Donošenje akata Fonda zdravstvenog osiguranja)

(1) Upravni odbor je dužan, u roku od 120 dana od dana imenovanja, donijeti statut, poslovnik o radu upravnog odbora, plan rada, plan sistematizacije i finansijski plan.

(2) Druga opći i posebni akti Fonda zdravstvenog osiguranja, upravni odbor donosi na osnovu dinamike plana rada iz stava 1 ovog člana.

Član 26

(Upis u sudski registar)

Odluka o osnivanju Fonda zdravstvenog osiguranja predstavlja osnivački akt, na osnovu kojeg se vrši upis Fonda zdravstvenog osiguranja u sudski registar.

Član 27

(Stupanje na snagu)

Ova odluka stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022-136/06

Brčko, 14. decembar 2006. godine

PREDSJEDNIK

SKUPŠTINE BRČKO DISTRIKTA BiH

Prof. dr. Milan Tomić, s.r.

2

Na osnovu člana 23 Statuta Brčko distrikta BiH – prečišćeni tekst («Službeni glasnik Brčko distrikta BiH», broj 19/06), člana 45 Poslovnika Skupštine Brčko distrikta BiH – prečišćeni tekst («Sl. glasnik Brčko distrikta BiH» br. 11/03) i Prijedloga odluke zastupnika Kluba SDS-a o pokretanju postupka utvrđivanja pojedinačne odgovornosti za neizvršavanje ugovorenih obaveza i štetu nastalu u toku sačinjavanja i realizacije ugovora o pravu građenja, finansiranja, projektovanju i upravljanju pijacom „ARIZONA“ kao i postupka za nadoknadu